

## REGIONAL NEWS

UNIT

ALL INDIA RADIO, AGARTALA

Date: 01-06-2024

Time: 07.35-07.40 AM Hrs

BENGALI MORNING BULLETIN

.....

**Election 7th phase :**

অষ্টাদশ লোকসভা নির্বাচনের সপ্তম তথা শেষ পর্যায়ের ভোটগ্রহণ আজ। বিহার, হিমাচল প্রদেশ, ঝাড়খণ্ড, উড়িষ্যা, পাঞ্জাব, উত্তরপ্রদেশ এবং পশ্চিমবঙ্গ এই সাতটি রাজ্য ও কেন্দ্রশাসিত চল্লীগড়ের ৫৭টি আসনে আজ ভোটগ্রহণ করা হচ্ছে।

ওড়িশা রাজ্য বিধানসভার অবশিষ্ট ৪২টি বিধানসভা আসনের ভোটগ্রহণও একইসঙ্গে অনুষ্ঠিত হচ্ছে।

উল্লেখ্য, গত মাসের ১৯ তারিখে প্রথম পর্যায়ের ভোটগ্রহণ শুরু হওয়ার পর এ পর্যন্ত ৬টি পর্যায়ে ৪৮৬টি লোকসভা আসনের জন্য ভোট গ্রহণ শেষ হয়েছে। ভোট গণনা হবে আগামী চৌঠা জুন।

\*\*\*\*\*

**Food Minister meeting :**

বর্ষা মরশুমের জন্য রাজ্যে নিত্য প্রয়োজনীয় পণ্য সামগ্রীর বাফার ষ্টক গড়ে তোলা হয়েছে। গতকাল আগরতলায় খাদ্য ও ভোক্তা ভবনে বিভিন্ন ব্যবসায়ী সংগঠনের প্রতিনিধিদের সঙ্গে এক বৈঠক শেষে খাদ্যমন্ত্রী সুশান্ত চৌধুরী একথা জানান। তিনি জানান, উত্তরপূর্ব ভারতে বর্ষার জন্য আসাম-আগরতলা জাতীয় সড়কে ও রেলপথে মালবাহী ট্রেন ও যানবাহন চলাচল মাঝে মধ্যে ব্যাহত হচ্ছে। এই কারণেই পণ্য সামগ্রীর বাফার ষ্টক করা হয়েছে। পেট্রোল, ডিজেল ও এলপিগিজ সিলিন্ডার সরবরাহ যাতে স্বাভাবিক থাকে সে লক্ষ্যে খাদ্য দপ্তর যথাযথ উদ্যোগ নিয়েছে বলে খাদ্যমন্ত্রী জানান।

\*\*\*\*\*

#### Visit CEO in Gomati:

অষ্টদশ লোকসভা নির্বাচনের ভোট গণনার পত্রিয়া সুষ্ঠুভাবে সম্পন্ন করার লক্ষ্যে গতকাল গোমতী জেলা সফর করেন রাজ্যের মুখ্য নির্বাচন আধিকারিক পুনিত আগরওয়াল ১ তিনি এদিন উদয়পুর মহকুমার রমেশ ইংরেজি মাধ্যম উচ্চতর মাধ্যমিক বিদ্যালয়ে গণনা কেন্দ্রের প্রস্তুতি ও আইন শৃঙ্খলা সংক্রান্ত বিষয় খতিয়ে দেখেন। পাশাপাশি মিডিয়া সেন্টার ও গণনা পর্যবেক্ষকদের জন্য নির্ধারিত কক্ষটি পরিদর্শন করেন। পরিদর্শনকালে তাঁর সঙ্গে ছিলেন গোমতী জেলার জেলা নির্বাচনী আধিকারিক তথা জেলাশাসক তড়িৎ কান্তি চাকমা, জেলার পুলিশ সুপার নমিত পাঠক প্রমুখ। উল্লেখ্য, পশ্চিম ত্রিপুরা আসনে গোমতী জেলায় উদয়পুর মহকুমার বাগমা, রাধাকিশোরপুর, মাতারবাড়ি ও কাঁকড়াবন-শালগড়া এই চারটি বিধানসভা কেন্দ্র এলাকার ভোট গণনা হবে উদয়পুর রমেশ স্কুলে ১ পূর্ব ত্রিপুরা আসনের অমরপুর মহকুমার অম্পিনগর ও অমরপুর বিধানসভা কেন্দ্রের ভোট গণনা হবে অমরপুর দ্বাদশ স্কুলে এবং করবুক মহকুমার একটি বিধানসভা কেন্দ্রের ভোট গণনা হবে করবুক মহকুমা অফিসে ১ রাজ্য মুখ্য নির্বাচনী অফিসার গোমতী জেলার সব কয়টি গণনা কেন্দ্রের খোঁজ খবর নেন ১

\*\*\*\*\*

#### Rehabilitation Centre Visit:

মুখ্য নির্বাচনী আধিকারিক পুনিত আগরওয়াল, দক্ষিণ জেলার জেলা শাসক সিদ্ধার্থ শিব জয়সওয়াল, জেলা পুলিশ অধীক্ষক অশোক কুমার সিনহা, শান্তিরবাজার, বিলোনিয়া ও সাব্রুমের মহকুমা শাসকগণ-সহ অন্যান্য প্রশাসনিক আধিকারিকরা গতকাল শান্তিরবাজার মহকুমার কালীলাউগাং এডিসি ভিলেজে এলাকায় ব্রু শরণার্থীদের পুনর্বাসন কেন্দ্র পরিদর্শন করেন। তাঁরা পুনর্বাসন কেন্দ্রে নির্মায়মান ঘরবাড়িগুলি ঘুরে দেখেন। শান্তিরবাজারের মহকুমা শাসক পুনর্বাসন কেন্দ্রের কাজকর্ম সম্পর্কে সকলকে অবহিত করেন।

\*\*\*\*\*

**Press Brefing of SDM:**

বিলোনিয়া উচ্চতর মাধ্যমিক বালিকা বিদ্যালয়ে পশ্চিম ত্রিপুরা লোকসভা আসনের বিলোনিয়া ও রাজনগর এবং পূর্ব ত্রিপুরা লোকসভা আসনের ঋষ্যমুখ বিধানসভা কেন্দ্রের ভোট গণনার চূড়ান্ত প্রস্তুতি নেওয়া হয়েছে বলে জানালেন বিলোনিয়ার মহকুমা শাসক রিংকু লেথার। গতকাল বিলোনিয়া মহকুমা শাসকের অফিসে তিনি সাংবাদিকদের ভোট গণনার প্রস্তুতি এবং গণনাকেন্দ্রের আচরনবিধি সম্পর্কে অবহিত করেন। ভোট গণনা সুষ্ঠু ও শান্তিপূর্ণভাবে শেষ করতে সব রাজনৈতিক দলগুলির কাছেও তিনি আহ্বান জানান। গণনা কেন্দ্রে খবর সংগ্রহের জন্যও কি কি আচরণ বিধি সাংবাদিকদের মেনে চলতে হবে সেগুলিও মহকুমা শাসক বিস্তারিতভাবে জানিয়ে দেন।

\*\*\*\*\*

**Training for Counting-Sepahijala :**

অষ্টাদশ লোকসভা নির্বাচনের ভোট গণনার জন্য, বিশালগড় মহকুমায় দায়িত্বপ্রাপ্ত গণনা কর্মীদের দ্বিতীয় তথা অন্তিম পর্যায়ের প্রশিক্ষণ, গতকাল শেষ হয়েছে। বিশালগড় নতুন টাউন হলে উপস্থিত গণনা কর্মীদের প্রশিক্ষণ দেন, DCM প্রসেনজিৎ দাস ও জেলা পর্যায়ের মাস্টার ট্রেনার বিজয় কুমার দাস। এই প্রশিক্ষণে, বিশালগড় মহকুমার তিনটি বিধানসভা ক্ষেত্রের মোট ১৫৩ জন গণনা কর্মী অংশগ্রহণ করেন।

\*\*\*\*\*

**Swachhata-Doner :**

উত্তর পূর্বাঞ্চল উন্নয়ন মন্ত্রক আয়োজিত 'স্বচ্ছতা পথওয়াড়া' উদযাপন গতকাল শেষ হয়েছে। পক্ষকাল ব্যাপী এই কর্মসূচিতে, সাফাই অভিযান ছাড়াও পরিবেশ সবুজ ও নির্মল রাখার উপর গুরুত্বারোপ করা হয়। উল্লেখ্য, গত ১৬ই মে 'স্বচ্ছতা শপথবাক্য' পাঠের মধ্য দিয়ে, ডোনার

মন্ত্রক ও তার অন্তর্ভুক্ত সংস্থাগুলিতে এই 'স্বচ্ছতা পথওয়াড়া' শুরু হয়েছিল।

\*\*\*\*\*

#### **No Tabaco Day:**

বিশ্ব তামাকমুক্ত দিবস উপলক্ষে গতকাল শান্তিরবাজারের দক্ষিণ জেলা হাসপাতালে এক আলোচনাচক্র অনুষ্ঠিত হয়। দক্ষিণ জেলার মুখ্য স্বাস্থ্য আধিকারিক ডা: সুব্রত দাস ও জেলা হাসপাতালের সুপার ডা: জে এস রিয়াং আলোচনাচক্রে তামাকের কুফলগুলি তুলে ধরে বক্তব্য রাখেন। আলোচনাচক্র শেষে আশাকর্মী ও অন্যান্য স্বাস্থ্যকর্মীরা শান্তিরবাজারে একটি তামাক বিরোধী শোভাযাত্রায় অংশ নেন।

\*\*\*\*\*

#### **Malaria Control :**

ম্যালেরিয়া রোগ প্রতিরোধে ঊনকোটি জেলাতে যথাযথ পদক্ষেপ গ্রহণ করেছে স্বাস্থ্য দপ্তর। মশার বংশবিস্তার রোধে নালা-নর্দমায় মশার লার্ভা ভক্ষণকারী গাম্বুসিয়া মাছ ছাড়ার উদ্যোগ নেওয়া হয়েছে। জেলার বিভিন্ন স্থানে ম্যালেরিয়ার প্রাদুর্ভাব ঠেকাতে করণীয় কর্তব্য সম্পর্কে জনসচেতনতা সৃষ্টির কাজ চলছে। গত জানুয়ারি থেকে এপ্রিল মাস পর্যন্ত 24309 জনের রক্তের নমুনা পরীক্ষা হয়েছে। এরমধ্যে পাঁচ জনের দেহে ম্যালেরিয়া সংক্রমণ ধরা পড়েছে। উল্লেখ্য, আজ থেকে পুরো জুন মাসব্যাপী "ম্যালেরিয়া প্রতিরোধ মাস" হিসাবে পালন করা হবে।

\*\*\*\*\*

#### **First Division Cricket :**

ঘরোয়া প্রথম ডিভিশন লিগ ক্রিকেটের সুপার ফোরের শেষ দুটি খেলা গতকাল থেকে শুরু হয়েছে। এম বি বি স্টেডিয়ামে অনুষ্ঠিত দুদিনের খেলায় কসমোপলিটন ক্লাবের বিরুদ্ধে প্রথমে ব্যাট করতে নেমে হার্ভে ক্লাব প্রথম ইনিংসে সবকটি উইকেট হারিয়ে ২২৩ রান করে। জবাবে

কসমোপলিটন ক্লাব প্রথম ইনিংসে দিনের শেষে ৩ উইকেট হারিয়ে ৭২ রান করে। এদিকে, নরসিংগড়ের পিটিএ মাঠে দুদিনের অপর খেলায় প্রথমে ব্যাট করতে নেমে পোলস্টার ক্লাব প্রথম ইনিংসে সবকটি উইকেট হারিয়ে ৯২ রান করে। জবাবে চলমান সংঘ প্রথম ইনিংসে দিনের শেষে ৯ উইকেট হারিয়ে ১৯৯ রান করে।

\*\*\*\*\*

#### **Update Akashvani :**

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত আপডেট পেতে লগ ইন করুন - ডব্লিউ, ডব্লিউ, ডব্লিউ ডট, নিউজ অন এআইআর ডট কম ও নিউজ অন এআইআর অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন আকাশবাণী নিউজ আগরতলা / ফেসবুকে এআইআর নিউজ আগরতলা এবং ইউ টিউবে এআইআর নিউজ আগরতলা।

\*\*\*\*\*

#### **Weather:**

আজ দুপুর পর্যন্ত আবহাওয়ার পূর্বাভাসে জানানো হয়, আকাশ সাধারণত মেঘলা থাকবে। রাজ্যের সব জেলায় বিক্ষিপ্তভাবে বজ্র-বিদ্যুত সহ হালকা থেকে মাঝারি ধরনের বৃষ্টি হতে পারে। আগরতলায় আজ দিনের সর্বোচ্চ তাপমাত্রা থাকবে ৩৪ ডিগ্রির কাছাকাছি। আজ ভোরে সর্বনিম্ন তাপমাত্রা ছিল ২৮ ডিগ্রী সেলসিয়াস।

\*\*\*\*\*

\*\*\*\*\*